

四庫全書

經部

欽定四庫全書

爾雅翼卷三

宋羅願撰

釋草

芍藥

芝

菊

荃

芸

龍

萱

薜荔

款冬

卷耳

茱萸

陵茗

射干

木堇

燕支

芍藥

芍藥華之盛者當春暮被除之時故鄭之士女取以相贈董仲舒以為將離贈芍藥者芍藥一名可離猶相招贈以文無文無一名當歸也然則相譴之後喻使去爾其根可以和五臟制食毒古者有芍藥之醬合之於蘭桂五味以助諸食因呼五味之和為芍藥七發曰芍藥之醬子虛賦曰芍藥之和具而後御之南都賦曰歸鴈鳴鵝香稻鮮魚以為芍藥酸甜滋味百種千名是因致

其滋味也故孔子曰不得其醬不食非以備味自愛之至矣服虔文穎伏儼輩解芍藥稱具美也或以為芍藥調食或以為五味之和或以為以蘭桂調食雖各得彷彿然未究名實之所起至韋昭又訓其讀勺丁削切藥旅酌切則并沒此物之名實矣今人食馬肝馬腸者猶合芍藥而煮之古之遺法馬肝食之至毒者文成以是死言食之毒莫甚於馬肝則制食之毒者宜莫良於芍藥故獨得藥之名猶食醫掌和膳羞稱醫之類而醬又

因以為名也毛萇云香草陸璣云今藥草芍藥無香氣
非是也孔穎達曰未審今何草蓋醫方但用其根陸不
識其華故云無香氣孔又云何草今芍藥人家庭戶種
之翫其芳無不識者何云何草

本草曰一名餘容

芝

芝瑞草一歲三華故楚辭謂之三秀無根而生故其字
從之說文之字曰出也象草枝莖益大有所之一者地
也芝生於土故宜從焉言芝者多異說唯論衡云芝生

於土土氣和故芝草生最為簡要古以為香草大夫之
摯芝蘭又曰與善人居如入芝蘭之室久而不聞其芳
則與之化矣今芝不香未知何故芝乃多種故方術家
有六芝其五芝備五色五味分生五嶽惟紫芝最多昔
四老人避秦入商洛山采芝食之作歌曰晔晔紫芝可
以療飢是也古稱上藥養命中藥養性下藥治病養命
則五石之鍊形六芝之延年養性則合歡蠲忿萱草忘
憂治病則大黃除實當歸止痛芝之品其略有六至葛

稚川則云芝有石芝有木芝有草芝有肉芝有菌芝各百許種則芝類非特六矣孝經援神契曰威喜辟兵威喜亦木芝之一也松柏之脂入地千歲化茯苓茯苓萬歲上生小木如蓮華名曰木威喜芝夜視有光持之甚滑燒之不然帶之辟兵又建木實生都廣皮如纓蛇實如鸞鳥者亦謂之芝則無所不備然大抵紫芝最多爾陶隱居獨怪今俗所用紫芝乃是朽木株上所生狀如木樗者然古人言芝蓋只如此內則人君燕食所加庶

羞有芝栢凌楨之屬庾蔚云無華葉而生者曰芝栢盧氏云芝木芝也王肅云無華而實者名栢皆芝屬芝栢春夏生於木可用為菹其有白者不堪食賀氏亦云芝木栢獨別謂栢為軟棗則多一物不合鄭氏三十一物之數然則櫛栢類摠名芝矣莊子朝菌司馬亦云大芝也天陰生糞上見日則死崔云糞上芝朝生暮死簡文云欬生之芝也是菌皆得芝名

太玄曰黃菌不誕俟于慶雲靈芝也漢藝文志

有黃帝襟子
芝菌十八卷

菊

菊季秋寒露後五日始有華華得土之正色蔡邕月令章句曰菊草名也有者非所有也黃華者土氣之所成也季秋草木皆成非榮華之時也故言菊有明它無有也周書曰菊不黃華土不稼穡是應土之驗古者王后六服有鞠衣先鄭以為黃衣後鄭云黃桑服色如鞠塵象桑葉始生引月令三月薦鞠衣于先帝告桑事蓋後鄭之意以季春桑葉始生故后服色象之又薦之先帝

太皞之屬之坐所謂告桑事也然其說不取於菊華之
菊而取於麴蘖之麴又捨麴而象桑葉唯蔡邕以為菊
華之色似合先鄭以鞠為黃之意今月令鞠有黃華正
與鞠衣之字同又漢武帝時黃鵠下建章宮作歌曰金
為衣兮菊為裳然則以菊比衣如是古矣古者如菊故
離騷有夕餐秋菊之落英至崔實月令以九月九日採菊
而費長房亦教人以是日飲菊酒以禳災然則自漢以來
尤盛也菊與薏花相似菊甘而薏苦所謂苦如薏者漢南

陽酈縣北八里有菊水其源旁悉芳菊水極甘香中有三十家不復穿井仰飲水上壽百二十三十中壽百餘七十者猶以為天漢司空王暢太傅袁隗為南陽太守令縣月送三十餘石飲食澡浴皆用之太尉胡廣久患風羸常汲飲此水疾遂瘳此菊莖短花大食之甘美異於餘菊廣又收其實種之京師遂處處傳植之近世譜菊者有八十一種有黃白緗及色如桃花者又白者遇霜皆殷然終不標落故說者疑離騷落英之語或以為

爾雅落始也考然與墜露相配為文不當為始靈均盖

自有意

夏小正九月
鞠榮而植麥

荃

荃昌蒲也或讀若孫音

莊子音
義云

又名孫春秋運斗樞

曰玉衡星散為昌蒲遠雅頌著倡優則玉衡不明昌蒲

冠環孝經援神契曰昌蒲益聰生水中葉長數尺而上

銳中有脊如劍其根九節者食之仙其本芳辛每以一

握為限一握則四寸切之為菹謂之昌歠或謂之昌本

以實朝事之豆文王好食之豆以昌本為首魯僖公時
王使周公閱來聘饗有昌歠白黑形鹽而周公以為薦
五味也此蓋朝事之常故郊特牲云常豆之菹水草之
和氣也又可以餌魚故莊子稱荃者所以在魚得魚而
忘荃或以此當之楚辭言香草皆以喻羣臣唯言蓀者
喻君蓋蓀於藥性為君也其曰數惟蓀之多怒曰蓀佯
聾而不聞曰夫人自有兮美子蓀何以兮愁苦蓋蓀能
輔性治氣逆則怒非所宜能並聰則聾非所應又治小

兒溫癰身積熱不解者可作浴湯則其主人之美子宜也少司命君也而又主人之子孫有蓀之義焉蓀從孫亦主子孫之義也

芸

仲冬之月芸始生芸香草也謂之芸蒿似邪蒿而香可食其莖幹婀娜可愛世人種之中庭故成公綏賦云莖類秋竹葉象春檉是也沈括曰芸類豌豆作小叢生其葉極芳香秋後葉間微白如粉汙南人採實席下能去

蚤虱今謂之七里香老子曰夫物芸芸各歸其根芸當
一陽初起復卦之時於是而生又淮南說芸可以死而
復生此則歸根復命取之於芸雖卷施拔心不死蓋不
足貴也洛陽宮殿簿曰顯陽徽音含章殿前各芸香一
二株而已而晉宮閣名曰太極殿前芸香四畦式乾殿
前芸香八畦乃知離騷所謂蘭九畹蕙百畝畦留夷與
揭車盖有之也江南茹為生菜甚香古者祕閣藏書置
芸以辟蠹故號為芸閣

夏小正曰正月
采芸二月榮芸

龍

龍紅草也一名馬蓼葉大而赤白色生水澤中高丈餘
今人猶謂之水紅草而爾雅又謂之龍古鄭詩稱山有
橋松隰有游龍云游龍者言其枝葉之放縱也龍與荷
華是隰草之偉者然所配扶蘇橋松不同按管子有五
粟五沃五位五隱五壤五浮之土謂之上土五沃之土
則桐柞扶櫨秀生莖起五臭疇生蓮與蘼蕪藁本白芷
然則首章言扶蘇荷華應此五沃之土也其五位曰其

山之淺有龍與斥羣木安逐條長數大其桑其松其杞
其茸次章言橋松游龍應此五位之土也此皆土之最
美者特非子都子充而狂且狡童之為見則所美非美
矣淮南言水草之始海間生屈龍屈龍生容華容華生
蘩蘩生萍藻萍藻生浮草凡浮生不根莖者生於萍藻
屈龍豈亦此龍草邪歛為屈縱為游是或一道也

萱

詩曰焉得諼草言樹之背諼忘也衛之君子行役為王

前驅過時不反其婦人思之則心痠首疾思欲暫忘之而不可得故願得善忘之草而植之庶幾漠然而無所思然世豈有此物也哉蓋亦極言其情說者因萱音之與諼同也遂命萱以為忘憂之草蓋以萱合其音以忘合其義耳然忘草可也而所謂忘憂憂之一字何從出哉此亦諸儒傳會之語也說文曰萱令人忘憂草也引詩安得萱草又作爰及萱而嵇叔夜養生論云合歡蠲忿萱草忘憂博物志因為中藥之例崔豹云欲忘人

之憂則贈以丹棘丹棘一名忘憂皆因解詩者之言而
廣之爾又名宜男草周處風土記以為其花宜懷妊婦
人佩之必生男傅玄賦云充后妃之盛飾兮登紫微之
內庭則古之婦人蓋佩之矣苟以當詩之忘草則服而
佩之適所以增怨曠之思爾此草又名鹿葱鹿所食九
草之數而沈約鹿葱詩云野馬不任騎菟絲不任織既
非中野華無堪麋麋食約意以為野中所無鹿不得而
食之今人亦取其華為茹

晏元獻公謂鹿葱花中有鹿
斑文與萱小同大異開花亦

不並
時

薜荔

薜荔白芷蘼蕪椒連謂之五臭管氏之正天下也五臭
所校謂之土小華之山草多薜荔薜荔狀如烏韭而生
於石上食之止心痛亦緣木生在屋曰昔邪在牆曰垣
衣今薜荔葉厚實而圓多蔓好敷巖石上若罔故云罔
薜荔弓為帷也或寅緣上木古木之上有絕大者開華
結實其實上銳而下平外青而中皴經霜則皴紅而甘

鳥鳥所啄童兒亦食之謂之木饅頭亦曰鬼饅頭其狀如餅餌中饅頭也食之發瘴嶺外尤多州郡待客取以為高飮或言嶺外郡刻木作饅頭狀言之過也雖云藤蔓枝葉勁厚如木之屬非復草也離騷云貫薜荔之落藥王逸章句曰薜荔香草緣木而生藥實也累香草之實執持忠信貌也薜荔雖有實然所取芳者不於實又按說文藥花須頭點也則藥乃謂此逸之意以薜荔之花小蓋不可貫故以為實要之詩騷當以意逆志但貫

其須藥以見用心之精潔爾山鬼歌亦稱被薜荔兮帶
女蘿逸云薜荔免絲皆無根緣木而生山鬼亦奄忽無
形故衣之以為飾古者喻物意深如此又九歌曰采薜
荔兮水中搴芙蓉兮木末言責其所無必不能也至九
章曰令薜荔以為理兮憚舉趾而緣木因芙蓉以為媒
兮憚褰裳而濡足此皆因其所宜而任之顧不為耳薜
荔芳草故楚辭特殷勤焉

款冬

菟奚顥凍郭氏曰款凍也紫赤華生水中蓋款凍葉似
葵而大叢生花出根下十一月雪中出花述征記
曰洛水至歲末凝厲則款冬茂悅曾冰之中蓋至陰之物
能反至陽故玉札畏款冬也楚辭曰款冬而生兮凋彼
葉柯萬物麗於土而款冬獨生於冰下百草榮於春而
款冬獨榮於雪中以况附陰背陽為小人之類至傳咸
作款冬賦稱其華豔春暉既麗且殊以堅冰為膏壤吸
霜雪以自濡則又賞其稟精淳粹不變於寒暑為可貴

所取義各異也

卷耳

卷耳菜名也。幽冀謂之檀菜，雒下謂之胡泉。江東呼為常泉，葉青白色，似胡荽，白華細莖，可煮為茹滑而少味。又謂之常思菜，儋人皆食之。又以其葉覆麴，作黃衣，崔寔四民月令曰：伏後二十日為麴，至七月七日干之，覆以胡泉。故古人采之。卷耳之詩，后妃志欲輔佐君子，求賢審官，知臣下之勤勞，先儒多異說。蓋采采卷耳，職之

賤者淮南子稱瞽師庶女位賤尚纂權輕飛羽許叔重
曰尚主也纂者纂耳菜名也主是官者至微賤也瞽師
庶女復賤於主梟之官故曰權輕飛羽觀此則主梟之
官位之微者周禮顧不可考或成周以前周南之官有
之不然則醢人酒人之屬也於采纂者而猶知其勤勞
則凡臣下之勤勞不遺可知矣審官而至於此則所審
之詳又可知矣此有以見憂勤之至也其實如鼠耳而
蒼色上多刺好着人衣今人通謂之蒼耳其一名菟離

騷以譬小人所謂蕢菜施以盈室是也一名羊負來博物志曰洛中有人入蜀胡梟着羊毛蜀人種之曰羊負來也陶隱居乃云昔中國無此言從外國逐羊毛中來據此物既稱胡梟必是胡物但國風爾雅所載則其來已久而羊負來之名僅出後代則此名恐言自洛入蜀者得之亦卷耳野中所多日夕羊下多負以歸爾

茱萸

茱萸婦人所采今車前草是也大葉長穗生道邊喜在

牛跡中生故曰車前又名當道也幽州人謂之牛舌草
江東呼蝦蟆衣可煮作茹其子主易產故婦人樂有子
者以為興說文乃云茱萸一名馬舄其實如李令人宜
子周書所說韓詩云茱萸是木似李食其實宜子孫王
肅亦引周書王會云茱萸如李出於西戎故王基駁云
王會所記雜物奇獸皆四夷遠國各賫土地異物以為
貢摯非周南婦人所得采是當為草不當為木也不妨
西戎自有茱萸亦名馬舄宜子者爾郭氏茱萸贊亦曰

車前之草別名茱萸王會之云其實如李名之相亂在乎疑似夫采采者茱萸耳何以知其樂有子蓋采采者不已之意也薄言者不滿之辭也始曰采采而遂至於有之又從而掇捋之又從而桔槔之蓋已多矣而猶曰薄言則以采之之多為未足也亦婦人樂於其事而猶愧於人之問故雖采而又采乃若不經意亦曰我姑采之而已此詩人所以深述其情也而列女傳言宋人之女為蔡人之妻既嫁而夫有惡疾其母將改嫁之女曰

且夫采采芣苢之草雖其臭惡猶始於採采之終於懷
顧之浸以益親況於夫婦之道乎乃作芣苢之詩韓詩
亦同此義言芣苢臭惡之菜詩人傷君子有惡疾芣苢
雖臭惡猶采采而不已者以興君子雖有惡疾我猶守
而不離去也辯命論曰顏回敗其叢蘭冉耕歌其芣苢
則遂以芣苢比惡疾矣詳蔡人之妻或因說母引芣苢
之義以自況因賦其詩不必始作於此也宋女而蔡妻
何名為周南哉今芣苢亦不臭未知所謂臭惡者又何

物故附著其說於後

陵苕

苕陵苕黃華蘂白華菱華色既異名亦不同今凌霄花是也蔓生喬木上極木所至開花其端詩云苕之華芸其黃矣鄭箋以為陵苕之華紫赤而繁華衰則黃蓋非也是物雖名紫葳而花不紫又或以瞿麥根為紫葳瞿麥花紅亦非此類然則芸其黃者正自華開之色耳周室之於諸夏猶衣服之有冠冕木水之有本原蓋有深

根固植之義不特以其在物上而已今苔雖居高在物之上然荏弱而託於物所自恃者微矣雖華而芸黃葉而青青識者知其將不久也故見其華則為之憂傷逮其華落而葉存則不如無生矣此華亦彌絡石壁盛夏視之如錦繡不可仰望露滴目中有失明者

射干

荀子勸學篇曰西方有木焉名曰射干莖長四寸生於高山之上而臨百仞之淵木莖非能長也所立者然也

以為物雖微然能自處者如此春生苗高二三尺葉似
蠻薑而狹長排列如翅羽故名烏翼烏蒲烏扇翼亦扇
也花以六月開如萱草而小上有紅點人家庭砌多植
以為玩或說別有花青黑而莖長似射人之執竿者此
即一類然射為夜音猶漢官僕射而亦音夜爾易通卦
驗曰冬至射干生後漢陳寵傳陽氣始萌十一月有蘭
射干芸荔之應射干嘉物故九歎云掘荃蕙與射干兮
耘藜藿與蘘荷蓋荃蕙貴而藜藿賤射干生高山層城

而藁荷依陰之物今掘去嘉者而惡物則為之耘除使
之茂繁以見去取之失當也古者瑞草有萑蒲生於庖
厨扇暑而涼今此亦有萑扇之名又蒲之字類蒲豈亦
此類但以自生為祥耶或曰萑蒲大如扇

木董

木董今人植為籬易生之物也抱朴子曰夫木董楊柳
斷殖之更生倒之亦生橫之亦生生之易者莫過斯木
也仲夏應陰而榮月令取之以為候其花朝開暮落一

名為舜或呼為日及陸機賦云如日及之在條常雖及而不悟潘岳云朝菌者詩人以為舜華莊生以為朝菌其物向晨而結終日而殞則又以為朝菌矣詩曰有女同車顏如舜華又曰顏如舜英舜乃華之甚茂者又枝葉相當有同車之象亦如舜朝開而暮落少過時則後之矣太子忽當有功於齊之時可以取齊女於是時而不取則若日及之不可待矣木堇作飲令人得瞑與榆同功其花用作湯代茗可以治風然茗令人不睡木堇

令人睡為異爾說文舜艸也楚謂之菑秦謂之蔓蔓地
連華象形舜則今隸變為舜即堯舜之舜然云蔓地則
不同又駐華榮也讀若皇引爾雅曰駐華也或从艸皇
作莖

燕支

燕支本非中國所有蓋出西方染粉為婦人色謂為燕
支粉習鑿齒與謝侍中書曰此有紅藍北人采取其花
作烟支婦人粧時作頰色用如豆許按令徧頰殊覺鮮

明匈奴名妻關氏言可愛如燕支也故匈奴有烟支山
西河舊事歌曰失我祁連山使我六畜不繁息失我關
氏山使我婦女無顏色今中國謂之紅藍或只謂之紅
花大抵三月初種花出時日日乘涼摘取之頃一日須
百人摘五月種晚花七月中摘深色鮮明耐久不黧勝
於春種者花生時但作黃色茸茸然故又一名黃藍杵
碓水淘絞去黃汗更擣以清酸粟漿淘之絞如初即收
取染紅然後更擣而暴之以染紅色極鮮明按崔豹所

言則漢雖有紅藍然不可以為烟支其染亦未盛今則
盛種而多染謂之真紅賽蘇方木所染崔豹古今注曰
今人以重絳為烟支非燕支花所染也燕支花自為紅
藍爾舊說赤白之間為紅即今所謂紅藍也其謂之舊
紅者即漢重絳顏色黯暗相去遠矣又為婦人粧色以
絲染之圓徑三寸許號絲燕支又小薄為花片名金花
烟支特宜粧色蓋種一頃者歲收絹三百疋此千畝厄
苗之類博物志曰黃藍張騫所得

音釋

芍藥

鷄

說文鳩也
丁刮切

芝

建木

纓蛇

山海經建木其狀如牛引之有

皮若纓黃蛇注謂牽之皮
剥如人冠纓及黃蛇也

柄

反如之

棋

反俱禹

孺

軟音

菊

隗

胡罪反

標

婢小切

殷

赤黑公閑切

荃

歟

徂感切

道

臻魚切說文酢菜也

芸

婀娜

上音躬下乃可切
美貌又舒遲貌

檉

瘰癧貞切

豌

於九切

龍

隱

於謹切晦也管子五隱之狀黑土黑落青怵
以肥芬然若灰注落地衣也芬然壤起貌

柞

才各子各

二扶

輔虞切

種

與枕同

龍

盧功切草名馬藻又音龍
管子注龍斥並古草名

數大

上音

朔管子注數謂速
長爾雅數疾也

茸

管子注木名

藁

芳燒切淮南子注流
也無根水中草也

容

華

美蓉草
華許注

發

蒲達切
草根也

萱

每

音憲
與萱同

麇

音麇
君麇加

薜荔

上蒲計反
下郎計反

校

管子注校謂
馨烈之銳

鞞

音攘

款冬

免音

奚

爾雅作奚音芳本
草款冬一名菟奚

凍

東音爾雅注
款冬也

卷耳

禮

與

同又陟

泉

徒音

葵

綏音

倉

鋤庚切音與振同吳人罵楚人曰
曰倉晉陽秋云吳謂中州人曰

儵

茱萸

上音浮
下音以

掇

都奪切

捋

力活切

桔

音結

禰

戶結反

陵

茗

菓

匹治反
茗華

歲

威音

荏

如甚切

射干

上音夜

嬰

色甲切

蘘

汝羊

切

蕘

所洽切

蒲

音甫

木董

下音謹

茵

音窘

瞑

莫定切
翕目也

菑

音福

蓂

音瓊

燕支

蓓

音倩或
作茜



爾雅翼卷三

欽定四庫全書

爾雅翼卷四

宋 羅願 撰

釋草

藍

葳

卮

苳草

如蘆

艾

薺

蕨

薇

葵

藁

蘩

蒿

蔚

蕭

藍

藍者染青之草荀子曰青出於藍而青於藍言染反勝於其質松藍其汁枰為澱堪染青蓼藍苗似蓼而味不辛不堪為澱雅作碧色爾崔寔曰榆莢落時可種藍五月可刈藍故小雅曰終朝采藍不盈一襜五日為期六日不詹檐衣蔽膝也箋云期至五月而歸今六月猶不至五月者正藍之候月令仲夏之月乃云令民毋刈藍以染注云此月藍始可別引夏小正曰五月啟灌藍蓼

灌謂叢生也種藍之體初必叢生藍兒長大始可分移使之稀散以言正養藍之時非刈藍之候也夫民之於利甚勤其於物也封植養長者惟恐不至苟藍於勢未可刈當分移之候豈不知養之以待其成何待上之人屑屑出令而止之乎苟如是則蓼菜之行菜茹之畦在上者不勝禁矣夫藍之禁刈必於民有私利而於陰陽或國事有不便者故禁而止之盖自四月微陰始起為政者繼長增高毋有壞墮此月又陰陽爭死生分之月

君子戒靜以待晏陰之所成則微陰未成也蓋刈藍以損生氣恐微陰不勝故也又是月班馬政游北別羣繫駒之月馬之為性畏新出之灰駒遇者輒死石礦之灰亦能令馬落駒刈藍以染也燒灰也暴布也三者皆有出灰之氣令而禁之者蓋為馬歟秦法棄灰於道者棄市棄灰或古法但刑重耳刈藍之禁與馬質禁原蠶同意不然蠶之再養藍之早刈聖人何留意哉藍於草中獨有禁故字從監漢楊震伯起常種藍自業又趙岐

邠卿道經陳留此境人皆以種藍染紺為業藍田彌望
黍稷不殖慨其遺本遂作賦一章

歲

藍數種總謂之藍其大葉者別名馬藍釋草云歲馬藍
郭氏曰今大葉冬藍也疏云今為澱者是也凡物大於
其類者多以馬名之今人言亦然蓋諸藍之類松藍惟
堪染青蓼藍不堪為澱雅作碧色故以馬藍為作澱之
藍崔寔曰榆莢落時可種藍五月可刈藍六月可種冬

藍冬藍大藍也八月用染子虛賦曰其高燥則生歲薪
苞荔辟莎青蘋歲馬藍也薪似燕麥苞蘆也荔馬荔辟
賴蒿莎鎬侯青蘋似莎而大凡此皆非佳草於用亦希
何足以侈雲夢蓋古之君子觀地之所產以知其土之
美惡今高燥埤濕衆物居之則地之美富可知故自馬
藍以下皆載之也本草唐本注云藍圓徑二寸許厚三
四分出嶺南云療毒腫太常名此草為木藍子

卮

卮可染黃其華實皆可觀花白而甚香五月間極繁茂
凡草木之花大抵不過五出唯卮六出大者至七出其
實黃赤亦以七稜者為良即七出花所成就也經霜取
之以染故染字從木字學家以為木者卮蒿之流也一
名木丹一名越桃上林賦謂之鮮支欲其顏色鮮明也
漢世千畝卮蒿其人與千戶侯等卮蒿千石亦比千
乘之家晉令諸宮有秩卮子守護者置吏一人或云此
即西域之蒼葡萄花或曰蒼葡萄者金色花小而香西方甚

多非卮也

茈草

釋草云藐茈草郭氏曰可以染紫一名茈蒨說文亦曰
茈藐紫草蓋茈即紫也以其可染紫故名茈上林賦有
茈薑司馬彪亦云紫色之薑則茈之與紫古字通爾列
仙之傳商客能致紫草賣與染家本草說云其利勝藍
按種藍一畝已敵穀田一頃矣而此復勝焉有以見後
世末作之盛夫紫間色奪朱者也韓子曰齊桓公好服

紫一國盡服紫五素不得一紫公患之用管仲言謂左
右曰吾惡紫與三日境內莫有衣紫蘇代遺燕王書曰
齊紫敗素也而賈十倍然則由春秋戰國以來重之矣
漢相國丞相皆秦官金印紫綬高帝相國綠綬徐廣曰
金印綠綬綬蘇草名也以染似綠又云似紫紫綬名緇
綬音瓜其色青紫綬與藍同公加殊禮特服之何承天
云緇音媯青紫色綬綬紫色也字說曰綬紫也綬以莫
染故系在左紫或染或不故系在下綬人染也其為此

也有戾焉或不則無戾也此而已戾可染紫謂之此戾則此言本紫戾言所染所染戾彼而此者也

如蘆

如蘆染絳之草葉似棗葉頭尖下濶莖葉俱澁四五葉對生節間蔓延草木上根紫赤色今所在有八月採根說文曰人血所生故一名地血今如蘆能治血又所染亦赤蓋其類爾古者士爵弁服弁色赤而微黑如爵頭裏亦纁色士冠禮曰爵弁服纁裳純衣緇黼帶韍韍韍

緼韋也士緼韋幽衡合韋爲之染以茅蒐因名焉說文
曰茅蒐染韋一入爲韪詩曰韪韋有奭左傳韪韋之跗
注是也其女子之染則毛氏云如蘆茅蒐之染女服也
鄭箋云茅蒐染巾也則縞衣如蘆爲婦人服矣國風曰
東門之墀如蘆在阪其室則邇其人甚遠東門之栗有
踐家室豈不爾思子不我即蓋如蘆女所以染也今方
在阪栗者女所以爲贄也今方在門則衣服贄見之物
未備也時方喪亂則不待禮而相奔矣齊人謂之舊舊

或作茜漢書千畝卮茜是也今人染犢者乃假蘇方木
非古所用

艾

庶草治病各有所宜惟艾可用灸百疾故名醫草歲或
多病則艾生之亦天預備以救人爾荆楚之俗五月五
日未雞鳴采之或曰見似人者攬而取之用灸有驗采
葛懼讒之詩曰彼采葛兮一日不見如三月兮蓋葛纔
春莫則已可刈只三月而成此采葛者所以一日不見

如三月也彼采蕭兮一日不見如三秋兮釋草蕭荻其
字從秋生於春待秋三月而成此采蕭者所以如三秋
也彼采艾兮一日不見如三歲兮艾以久蓄為善孟子
所謂七年之病求三年之艾艾之久蓄者至三年此采
艾者所以如三歲也雖然此小臣之事所謂泄柳申詳
無人乎繆公之側則不能安其身者爾蕭與艾本皆香
草古者天子摯鬯諸侯蕙大夫蘭士蕭庶人艾至離騷
則薄之曰戶服艾以盈要兮謂幽蘭其不可佩又曰何

昔日之芳草兮今直為此蕭艾也蕭艾雖非惡物然要
之庶人所服比之蘭蕙芳草君子所服則有間矣老人
五十曰艾言其歷年之久然孟子稱人知好色則慕少
艾少女亦稱艾者蓋艾者外也春秋外傳曰國君好艾
大夫殆好內適子殆社稷危韋昭亦以艾為外彼好外
者謂嬖臣此少艾蓋是少年外舍之婦及其有妻子則
慕妻子矣妻子為內則知少艾者外也予併及之

以嘉草
攻之

庶氏
除蟲

薺

薺之為菜最甘故稱其甘如薺亦應陰之物淮南以為金勝木未木也春木王而生秋金王而死水勝火菽火也夏火王而生冬水王而死火勝金麥金也秋金王而生夏火王而死土勝水薺水也冬水王而生仲夏土王而死又其枝葉細靡通謂之靡月令孟夏之月靡草死麥秋至斷薄刑決小罪出輕繫鄭氏稱舊說云靡草薺亭歷之屬祭統曰草艾則墨謂立秋後也刑無輕於墨

者今以純陽之月斷刑決罪與母有壞墮自相違似非
按經以此月物有死者故斷薄刑而鄭氏以萬物尚生
故以為不宜斷然按斷薄刑決小罪出輕繫薄刑用鞭
朴非墨劓之類蓋憫萬物始有死者不忍久人以狴犴
故可決者決之可出者出之乃是明謹用刑而不留獄
非與壞墮相違也薺既亭歷其死同時其生亦早而所
主不同蓋師曠之占以薺為甘草亭歷為苦草水藻為
惡草蒺藜為旱草艾為病草歲將豐或苦惡旱疫則輒

有一草應而先生之唯土以稼穡作甘而薺又草之甘者故以為歲豐之候

薺

薺生如小兒拳紫色而肥詩及爾雅說文皆云薺薺也郭氏曰江西謂之薺草木疏云周秦曰薺齊魯曰薺俗云其初生似薺脚因以名焉召南陟彼南山先薺而後薺薺薺蓋賤者所食爾今野人今歲焚山則來歲薺菜繁生其舊生薺之處薺葉老硬敷披人誌之謂之薺基

廣雅云蕨紫其

物性云非也

基豈其之轉耶厥其二字古皆

以為助語互用或當同名以物但加草以為志爾今道路負荷轉移者皆不肯食云令人脚弱蓋見其形似拘攣之狀亦或其性自當爾未可知也名之從蕨蓋謂麗矣蕨猶禮家用之蕨不復用當知其賤

薇

薇垂水言生於水邊而召南之詩陟南山以采之故陸璣云山菜也莖葉皆似小豆蔓生其味亦如小豆藿可

作羹亦可生食今官園種之以共宗廟祭祀又詩稱山
有薺薇而伯夷采薺於首陽山其歌曰登彼西山兮采
其薺矣其後說者以為普天之下莫非王土食其土之
所自出即為之臣於是不食而死文王之時歌采薺之
詩以遣戍役一章薺亦作止二章柔止三章剛止作生
也柔謂脆脆之時剛謂小堅忍時遣戍而有三時故先
儒以為所遣有先中後輩首章則二月中旬遣之次章
則三月上旬遣之三章則三月中旬遣之其到有先後

各能獲捷故曰一月三捷也菜茹以柔時為美詩所謂柔則茹之剛則吐之亦以菜為喻也薇亦剛止不足食矣薇既成後之所采故王文公曰薇微者所食也

葵

葵為百菜之主味尤甘滑魯漆室之女葵為馬踐知憂及國公儀休相魯食於舍而茹葵愠而拔之不欲奪園夫之利葵有赤莖白莖復有大小之異又有鴨脚葵葵子雖經歲不涸微炒令燂炸散著濕地遍踏之朝種暮

生遠不過宿早種者十月末地將凍散子勞之正月末
亦可五月初更種之以春者既老秋菜未生種此相接
六月一日種白莖秋葵白莖者宜乾九月作葵菹乾葵
蓋葵一歲凡得三輩士虞禮夏秋用生葵冬春用乾菹
皆滑物道家之法十日一食葵菜所以調和五臟古者
葵稱露葵又終葵一名繁露今摘葵必待露解語曰觸
露不掐葵日中不剪韭各有宜也又葵性向日孔子以
比鮑莊子智不如葵葵猶能衛其足曹植曰若葵藿之

傾葉太陽雖不為回光然向之者誠也淮南曰聖人之
於道猶葵之與日也雖不能以終始哉其鄉之誠也夫
天有十日葵與之終始故葵從葵說文云揆葵也即所
謂揆之以日者

萋

萋萋蒿也說文曰萋可以烹魚其葉似艾白色長數寸
高丈餘好生水邊及澤中正月根牙生旁莖正白生食
之香而脆美又可蒸為茹江東用羹魚漢廣之詩曰翹

翹錯薪言刈其萋夫翹翹錯薪不敢斥采也言刈其萋而已之子于歸不敢斥求也言秣其駒而已刈楚猶薪之薇者也萋則菜耳此言無思犯禮之甚也古者芻蕘之過取以喻非禮春秋左氏傳曰羊舌鮒求貨於衛淫芻蕘者蓋芻蕘各有疆禁多取則為淫故以喻男女之非禮今錯薪猶不思冒取焉則無思犯禮可知矣萋今古以為珍菜大招曰吳酸蒿萋不沾薄只王逸曰蒿蘩草也萋香草也蒿一作芼芼菜也言吳人善為羹其菜

若羹味無沾薄言其調也又曰沾多汁也薄無味也言
吳人工調鹹酸燐蒿羹以為藿其味不醲不薄適其美
也蓋羹多生於吳郭氏亦云江東用羹魚則吳人尤能
調和之如後世千里蓴羹未下鹽豉之比淮南子曰煎
熬焚炙調齊和之適以窮荆吳甘酸之變此遁於火也
此之謂也

羹

釋草曰羹之醜秋為蒿此大略之言也又曰羹儲蒿此

指一物之言也故予以水草之繁為我而皤蒿則此別說之皤蒿蓋今之白蒿也比青蒿而麤從初生至枯白於衆蒿春始生及秋香美可生食又可蒸以為菹甚益人故詩箋云以豆薦繁菹然非水物故非召南所謂也春初此蒿前諸草生云可以生蠶蓋所以繁育庶物此物非唯生蠶又白兔食之而仙又駉亦食菴蘭子而仙駉馬類兔食繁駉食菴蘭物各有所宜本草又稱茵陳蒿白兔食之仙蓋茵陳似青蒿而背白故說者

誤以白蒿說之其苗細經冬不死更因陳根而生故名
茵陳凡繁之醜艾可灸著可占蕭可燎薑我蒿繁通可
茹啖說者別而論之

蒿

蒿今之青蒿荆豫之間汝南汝陰皆云蒿今人呼青蒿
香中灸啖者為蒿人亦取襍香菜食之鹿鳴所食三物
一曰葍今賴蒿始生香可食二曰蒿蒿甚香三曰苓苓
亦香草蓋草木之臭味相同有同類食之之義莊子稱

今之君子蒿目而憂世之患今蒿細弱而陰潤最易棲
塵故以比蒿目言世之君子眯眼塵中而憂世也蒿乃
佳蔬而古者言蒿以為非美物者蓋繁之醜秋為蒿涼
秋九月枝幹益高荒壇枉徑蕪穢不治故蒿者農惡之
明堂月令違天時則藪莠蓬蒿並興管仲戒桓公封禪
亦稱今鳳凰麒麟不至嘉禾不生而蓬蒿藜莠茂鵠鴉
羣翔而欲封禪無乃不可乎桓公為是而止然則蒿者
蓋非農祥也博物志曰周時德澤盛蒿大以為宮柱名

曰蒿宮

蔚

蒿取郭氏曰今人呼青蒿香中炙啖者為蒿又曰蔚牡
蒿郭曰無子者蓋牡蒿三月始生七月華華似胡麻華
而紫赤八月為角角似小豆銳而長言無子者蓋今青
蒿葉端皆作子如米大蔚獨無爾蓼莪之詩曰蓼蓼者
莪匪莪伊蒿哀哀父母生我劬勞又曰蓼蓼者莪匪莪
伊蔚哀哀父母生我勞瘁蒿生子以喻母牡蒿以喻父

凡人之情念其父母則因物而感今夫作詩之人望見
莪之蓼蓼然而采之迫而察之則蒿也蒿有母道焉復
見若莪者而采之迫而察之則蔚也蔚有父道焉興於
物雖各不同然念父則及母念母則及父故皆曰哀哀
父母也一說曰匪莪伊蒿蒿猶有子者匪莪伊蔚蔚則
無子以見父母得我之難也今皆無報矣則有我不
如無也且蔚又治無子亦寓其意焉本草謂之馬先蒿

蕭

蕭今人所謂荻蕭者是也或曰牛尾蒿似白蒿白葉莖
麤科生多者數十可作燭有香氣故祭祀以脂熬之為
香生民詩云取蕭祭脂后稷之祭也蓋宗廟之祭薦熟
之時堂上事尸竟延入戶內更從熟始於薦熟時祝先
酌奠於鉶羹之南訖尸未入乃取蕭染以牲腸間脂合
黍稷燒之於宮中后稷之祀乃郊雖非宗廟然將郊為
較道之祭其用亦同熬之於行神之位故曰取羝以較
祭脂者即此羝之脂也蓋自后稷之時已如此故周宗

廟用之昔有虞氏尚氣血腥燭祭用氣商人尚聲以聲音之號詔告天地之間周人尚臭以鬱合鬯灌以圭璋而使臭陰達於淵泉既奠然後燂蕭合黍稷羶薌爇之而使臭陽達於牆屋臭陰以水而報魄臭陽以火而報氣古人以神之道微不可搏執故求萬物之理以為同聲相應同氣相求水流濕火就燥故用百物之英華庶幾麗而留之此蕭之氣達於牆屋則牆內乃蒸蕭之地故孔子曰吾恐季孫之憂不在顓臾而在蕭牆之內也

其蕭蓋甸師所供周禮甸師祭祀共蕭茅先鄭以為蕭
或用苒但作縮茅解之杜子春始讀為蕭詩歲聿云莫
采蕭管子葉草名下於欝即鬱欝下於莧莧下於蒲蒲下
於葦葦下於藿藿下於萋萋下於蕭蕭下於
薜薜下於萑萑下於茅

音釋

藍

枰

普耕反

澱

音澱

檐

蚩占反

別

筆切

別

壞

音怪

墮

許規切

別

羣

注彼

列切孕姓之欲上也

絜

注如字

有餘

相蹄齧也

氣

礦

音穉

暴

步卜反

馬

質

質平也主

買馬平

歲之林切

斡斯歷反

苞音包

荔音隸

薜音蒲

虛賦作薜

鎬切子

文選注作

蘆皮表切

頰音煩

埤音下

卑也

厄

簷

音占

誤

臭墨切

茈草與紫通

戾音戾

貌亡角反

盩通作

如蘆

上音

如下

力居反

純衣

純與緇同

韎音昧

茅蒐所染色也

韃音韃

韃音閣

縕音溫

赤黃間色

韃音弗

韃也以韋為之禮記玉藻韃之言蔽韃之言亦蔽詩采菽注疏古者佃漁因衣其皮先知蔽前後知蔽後後王

易之以布帛

幽衡上初糾切黑也

衡謂佩玉之衡

跗注上方俱切左傳

不忘本也

跗注戎服若

袴而屬於

跗與袴連

善音反

艾

萩音秋

要音腰

注庶

音煮

掌以

藥煮去病

薺

王去聲

草艾

下音

壞音怪

墮反

許規

狴音獸

名

犴音地

爾雅翼

十七

謂獄為犴者犬所以守也

蕨

孿

反間員

屨

音厥與蹶同僵也

薇

脆

音翠

小奕物易斷也

晚

音問又音萬肥澤也佩觿音晚

葵

浥

音邑漬也潤也又業切

燁

音畢

炸咤

音荳

音九似董而葉大也

勞之

上即到反齊民要術注古曰擾今曰勞要術又曰犁欲廉勞欲

再搗

音恰抓也

萋

龍珠切

沾

音添

齊和

並去聲

繫

瞞

音婆

音疽

駟

音巨

虛

菴

間

子虛賦注蒿也子可醫疾菴音淹

蒿

藪

丘力反

賴

力蓋反

苓

其今切莖如竹蔓生

眯

說文草入目中 also 莊子簸糠眯目音米

治

平聲

蔚

於貴切

藪

去力切

蕭

釧

音刑三足兩耳有蓋和羹之器

羝

都禮反壯

羊輶

蒲末切祭行道之神也

燭

徐廉切說文湯中淪肉也

號

平聲禮記疏用樂之音聲號呼告於

天地之間庶神明聞之
而來是先求陽之義

菑

通作

覓

狹澗反又
刑甸反

藿

音貫爾
雅釋藿

一名
芼

龍珠切

莽

薄丁切
馬帚也

薜

蒲計切

萑

胡官切說文藨也易
為萑葦俗作藿非藨

五患切陸璣云藨或謂
之荻至秋堅成謂之萑



涵雅翼卷四

欽定四庫全書

經部

爾雅翼卷八至

詳校官國子監祭酒臣覺羅書善

洗馬臣王坦修覆勘

總校官庶吉士臣倉聖脉

校對官中書臣范 鏊

謄錄監生臣戴朝深

欽定四庫全書

爾雅翼卷五

宋羅願撰

釋草

韭

葱

薤

藟

茗

勤

葫

藹

翻

莪

萍

藻

荷

茆

芹

韭

韭說文云一種而久者故謂之韭象形在一之上一地也
也諺亦曰韭者懶人菜以其不須歲種也又利病人可
久食大抵高三寸即翦初種之歲止一翦之一歲之中
不過五翦矣首春色黃未出土時最美故云春初早韭
冬末晚菘夏小正曰正月圓有韭 豳風四之日獻羔祭韭庶人春
亦以薦新詳庶人四時之薦夏及秋冬乃薦麥黍與稻
而春乃薦菜茹之物又三時用魚豚鴈為配而韭獨以

卯豈春物未成可薦者少故耶而祭祀之牲號亦以稻
曰嘉蔬韭曰豐本聯而言之豈古所重歟其見於調和
之適則豚春用韭秋用蓼蓋各有宜物久必變故老韭
為莧然後秦姚興及後周宣帝大象中葱皆化為韭說
者以為戰伐之祥

易稽覽圖云政道得則陰物變為陽鄭康成注云若葱變為韭是也

葱

葱本白而末青青色尤美爾雅曰青謂之葱

考

古者佩

玉有葱珩以玉色如葱色得名馬之青驪稱驄亦取義

於葱而望氣者言鬱鬱葱葱言條暢也古作膾春用葱
脂亦用葱菹軒辟雞宛脾皆切葱薤實諸醯以柔之物
之用葱者多故禮為君子擇葱薤則絕其本末至進食
之禮葱漆處未漆烝葱也在豆處醯醬之左言末者殊
加也而漢世太官園種冬生葱韭菜茹覆以屋廡晝夜
難蘊火待溫氣乃生名信臣為少府以為此皆不時之
物有傷於人不宜以奉供養奏罷之漢孔奮為姑臧長
妻子但食葱菜而義熙中太常謝澹坐遣四人還家種

葱菜免官人之貪廉不同如此西域有葱嶺河源所自
出西河舊事云其山高大上悉生葱故以名焉

鼈

雖似非而無實亦不甚葷古禮脂用葱膏用薤脂羊牛
麋鹿之屬膏犬豕之屬蓋物各有所宜今薤與牛肉同
食令人作癥瘕是也少儀曰為君子擇葱薤則絕其本
末為其本未有萎乾者也麋鹿魚為菹膾為辟雞野豕
為軒兔為宛脾切葱若薤實之醯以柔之言此四物其

作之狀以醋與葷菜淹之悉皆濡孰殺肉及腥氣蓋雖葷物乃能去腥故古人不棄而用之今人種薤皆以大蒜置硫黃其中久則種別分為薤薤有赤白二種赤者主金瘡及風苦而無味白者補而美又雖有辛不葷五藏養生者服之可以安神養氣夫物英華之美者莫如芝故蓮曰水芝芋曰土芝蜜曰衆口芝薤曰菜芝蓋書之記務光翦薤以入清泠之淵今有薤葉篆傳者以為務光所作

潘岳賦曰薤負霜

藿

藿者山韭形性與韭相類但根白葉如燈心苗其音羊
六切韓詩六月食鬱及藿謂此物也毛詩藿作藿以鬱
為棣屬藿為藿藿鄭氏云食鬱藿藿葵菽棗皆以助男
功蓋鬱實大如李正赤食之甜五月時孰藿藿亦是鬱
類而小別即藿李是也豳土務農所植皆百穀百蔬有
益於民者然七月所述不及一二若果蔬之屬唯瓜足
以去時暑棗足以救歲乏故重而記之鬱藿等果不登

於邇不用於贄正爾食之何補饑渴似兒戲爾不若鬱菜及藿之可以食賤老也然齊韓毛鄭其詩異說故並存著之說文又曰藾山韭也

荅

荅山葱釋者引說文云葱生山中者名荅細莖大葉者是也葱有冬葱漢葱胡葱荅葱凡四種冬葱夏衰冬盛莖葉俱軟美山南江左有之漢葱冬枯其莖實硬而味薄胡葱莖葉麤短根若金登能已腫荅葱生於山谷不

入藥用管子云齊桓公五年北征山戎出冬葱與戎菽布之天下也戎菽胡豆也與冬葱皆得之山戎古者此等通名葷菜西方則以大蒜小蒜興渠葱蔥荅葱列為五葷以為熟之則發媼生嗽增恚皆有損於性情故絕而不食今北人好生食葷菜雖其天性獷戾亦食性所染致然故鴉食桑椹則革暴鳩食之則好淫醴醕發性中藥養性皆其類故為教者因其所甚謹而戒之今道家亦有五葷乃謂韭蒜芸薑胡荽薤也無荅葱等此自

隨中國所多者為說故不同焉

勤

勤與鼈畧相似而根長葉差大僅如鹿葱體性亦與薤同釋草云薤山韭荅山葱勤山鼈蒿山蒜皆謂生山中者別得薤荅勤蒿之名物類相感志乃稱列仙傳昔有人隱勤山服亢鼈之葉又引孫炎云帝登蒿山遭藉芋草毒得蒜乃嚙之解毒乃收植之是則以勤蒿為兩山之名出此鼈蒜爾勤蒿既為兩山則薤荅又為山名古

文薛山蘄朮山薊獨不可通可知其妄也且古言服齏
者唯商時務光故道家說云務光翦薤以入清泠之淵
若云亢齏則是天地間六氣之名非山中之草也王逸
楚辭注言六氣者春食朝霞朝霞日欲出時黃氣也秋
食淪陰淪陰者日沒已後赤黃氣也冬食沆瀣沆瀣者
北方夜半氣也夏食正陽正陽者南方日中氣也并天
玄地黃之氣是為六氣又豈齏之類乎古之仙人往往
却食服此六氣中亢齏因訛為薤既謂之曰薤則不當

復稱亢龕也勤山又當安在乎說文曰龕菜山中者名
藝

葫

蒜有大小大蒜為葫小蒜為蒜本草所別葫又稱胡蒜
陸法言切韻曰張騫使西域得大蒜胡荽則此物漢始
有之以自胡中來故名胡蒜爾種宜良輦地三遍熟耕
之五寸一株諺曰左右通鋤一萬餘株收條中種者一
年為獨辦種二年者則成大蒜科皆如拳又逾於凡蒜

矣今并州無大蒜朝歌取種一歲之後還成百子蒜其
瓣麤細正與條中子同其蔓菁根大如碗口雖種他州
子一年亦變然大蒜瓣變小蔓菁根變大二事相反其
理難推又八月中方得熟九月子始剛得花子至於五
穀蔬果與餘州早晚不殊亦一異也又并州豌豆度井
陘以東山東穀子入壺關上黨苗而無實信土地之異
也葫性最葷不可食俗人作齋以鱸魚肉久食傷人損
目明嵇叔夜養生論曰薰辛害目謂諸葷菜也此為甚

爾說者乃又曰此物煮為羹臠極美葷氣亦微又云初食不利目多食却明久食令人血清似皆好嗜者之辭今北人以大蒜等塗體愛其芳氣又以護寒且生啖之南人所不習效之者無不目腫

蒜髮白齊人千金月令蒜多食髮早白

蒿

釋草蒿山蒜釋曰說文云葷菜也一云菜之美者雲夢之葷菜生山中者名蒿蒿不注其狀今蒜有大蒜小蒜本草蜀本注圖經云小蒜野生小者一名蒿苗葉根子

似葫而細數倍然則小蒜即萑爾小蒜生葉時可煮和食至五月葉枯取根名亂子正爾噉之味甚薰臭食之損人不可長服崔寔曰布穀鳴收小蒜六月七月可種小蒜八月可種大蒜蓋皆謂此爾雅則以小蒜為蒜大蒜為葫承俗稱爾孫炎乃云帝登萑山遭薺芋草毒將死得蒜乃噉之解毒乃收植之能殺蟲魚之毒攝諸腥羶則是萑是山名其上出蒜耳與郭異說也

翻

字書曰翻百合蒜也說文則曰翻小蒜也小蒜已見蒿
說中不與百合蒜類百合蒜近道處有根小者如大蒜
大者如椀數十片相累狀如白蓮花故名百合言百片
合成也人亦蒸煮食之味極甘非葷辛類也但以根似
大蒜故名蒜爾根上一榦特起葉皆環列榦上至杪則
結花花有兩種其一如萱草花紅斑而小故一名連珠
其一種白花者極芳香花重常傾側連莖如玉手爐狀
亦搗為麪百合一名強瞿今俗人亦呼為強仇聲之訛

爾說者云是蚯蚓相纏結變作之

南都賦諸蔗薑藟

莧

莧蘿蒿也生澤田漸洳之處葉似邪蒿而細科生二月
中莖可生食又可炆香美味頗似萋蒿詩曰蓼蓼者莧
匪莧伊蒿又曰匪莧伊蔚蓋皆蒿類視之不察則不得
莧生於水澤詩曰菁菁者莧在彼中阿在彼中沚在彼
中陵蓋莧水中所生陵阿亦通有之此雖可食之菜然
彼中阿沚陵有在者焉而未采蓋育之而使成也亦地

之良者善養物君之仁者善養士故以為能長育人材
焉凡莪即古之繁風有采繁采蘋其詩曰予以采繁于
沼于汙予以采繁于澗之中春秋左氏傳曰澗谿沼汙
之毛蘋繁蒹藻之菜筐筥錡釜之器潢汙行潦之水號
之為澗谿沼汙之毛合之以潢汙行潦之水所采者則
于沼于汙于澗所列者則有蘋有蒹有藻其為水草明
矣說者乃曰繁皤蒿夫皤蒿陸草不妨亦謂之繁顧非
夫人之所采爾釋草曰繁之醜秋為蒿以醜言之則其

類多矣春時雖各有種名至秋老成皆通呼為蒿今莧
謂之莧蒿又謂之蘿蒿又謂之蘆蒿然則可謂繁之醜
矣又莧在中沚即與于沼于沚澗谿沼沚之毛所在符
合水草之繁自當謂此爾釋草曰莧蘿釋蟲又曰蛾羅
字異而音皆同謂蠶蛾也莧豈有用於蠶故同其兩名
耶古繁皤蒿以為可以生蠶然則此水草之繁莧亦當
爾耳故曰莧即繁也

萍

萍水上小浮萍江東謂之藻韓詩說沈者曰蘋浮者曰
藻高誘曰蘋大萍水藻也字並同皆從漂蕩之漂音簞
瓢之瓢藻之字似藻說者遂以相紊蓋非其類也李春
穀雨之日萍始生號為一夕而七子無根但有小鬚垂
水中而已說文曰萍無根浮水而生楚辭曰竊傷乎浮
萍兮無根然淮南云萍植根於水木植根於地蓋萍以
水為地垂根於中則所垂者乃是根今或反根於上為
日所暴即死是與失土同也萬畢術曰老血變之謂聚

血之精至黃泉止作此物不為徑就水上變之爾今有
紫萍直如血色亦復可怪周禮萍氏掌國之水禁幾酒
謹酒禁川游者夫萍水物爾而名官以謹酒先儒以其
不沈溺於酒如萍之浮然水萍之性勝酒水萍雖非小
萍類亦萍之摠名故以戒人幾酒謹酒也小雅鹿鳴食
野之苹毛氏以為此鄭氏以為非野所生非鹿所食易
之曰賴蕭然古人以水草之交為麋則麋鹿亦食水草
今鹿豕多就水傍食又人家養豕皆以萍食之何嫌於

鹿不食乎下章食蕭自陸草爾

藻

藻水草也生水底橫陳於水若自澡濯然若流水之中
隨波衍漾莖葉條暢尤為可喜故采藻於行潦也有二
種其一種葉如雞蘇莖大如箸長五六尺其一種莖大
如釵股葉如蓬蒿謂之聚藻橫被水下有自然之文故
古者象服有藻火之屬又畫於枕以為飾亦以厭火魚
藻之詩言萬物不得其性王居鎬京不能以自樂蓋察

見淵魚者則魚無所逃有所自蔽蓋魚之潛於藻若鳥之集於林一章曰魚在在藻有頌其首魚樂而出游於藻之外也二章曰魚在在藻有莘其尾言魚樂復樂而反戲於藻之內也三章曰魚在在藻依于其蒲樂既極而止于蒲蓋樂而不知反則樂有窮故有靜而止息之地則時出而樂有餘矣惟王亦然自樂豈出而飲酒自飲酒入而樂豈終而邪其居以休息皆若魚之得所矣今鳧雁屬亦樂於藻故曰鳧藻楚辭曰鳧鴈皆唼夫梁

藻是也

荇

荇接余其葉荇陸璣云白莖葉紫赤色正圓徑寸餘浮在水上根在水底與水深淺等大如釵股上青下白鬻其白莖以苦酒浸之脆美可案酒本草別本注云荇菜生水中葉似蓴莖莖根極長江南人多食唐本云是猪蓴全為誤也猪蓴與絲蓴並一種以春夏細長肥滑為絲蓴至冬短為猪蓴亦呼龜蓴此與鳧葵殊不相似案

荇菜今陂澤多有今人猶止謂之荇菜非難識也葉亦
卷漸開雖圓而稍羨不若蓴之極圓也葉皆隨水高低
平浮水上花則出水黃色六出今宛陵陂湖中彌覆頂
畝日出照之如金俗名金蓮子狀既似蓴又猪亦好食
民皆以小舟載取以飼猪又可糞田或因是亦得猪蓴
之名顧但非蓴菜耳唐本注萍云水中萍有三種大者
名蘋水中又有荇菜亦相似而葉圓并水上小浮萍為
三以蘋喻之蓋似之耳詩參差荇菜左右流之已而采

之已而芼之流者並流而取之也采者導擇之也芼者
芼以為羹也禮曰牲用魚芼之以蘋藻荇亦可以為芼
爾陸德明曰天官醢人陳四豆之實無荇菜者以商禮
詩詠時事故有之案風有采芣采蘋又有采藻采芣采
芹之屬水草甚多而醢人所薦止於昌本芣芹深蒲而
已物之為菹蓋自有所宜餘或為芼羹之用豈可四物
之外便謂商禮耶顏之推云芹先儒解釋皆云水草圓
葉細莖隨水淺深今是水悉有之黃花似蓴江南俗亦

呼為猪蓴或呼為苧菜而河北俗人多不識之博士皆以參差者是苧菜呼人苧為人苧亦可笑矣

茆

茆杜子春讀為郊說文作力久切以泮宮詩讀之思樂泮水薄采其茆魯侯戾止在泮飲酒說文音為叶陸璣云茆與苧葉相似葉大如手赤圓有肥者著手中滑不得停莖大如匕柄葉可以生食又可鬻滑美江南人謂之蓴菜或謂之水葵諸陂澤水中皆有鄭小同亦云江

南名之蓴菜生陂澤水中但今蓴小於苻陸璣所說蓴則大於苻今蓴菜自三月至八月莖細如釵股黃赤色短長隨水深淺名為絲蓴九月十月漸麤硬十一月萌在泥中麤短名塊蓴味苦體澁取以為羹猶勝雜菜宜雜鮒鯉為羹又宜老人又今吳人呼蓴菜鱸魚蓋魚之美者復因水菜以芼之兩物相宜獨為珍味然以鰓鼈為之更足生病古人云俗無良醫枉死者半拙醫療病不如不療喻如宰夫以鱠鼈為蓴羹食之更足成病豈

充饑之可望乎周禮有茆菹用此物為菹鄭大夫讀茆為茅謂茅初生者故杜音鄭義並不從然茆既為萑後鄭及許叔重皆云鳧葵而蜀本圖經稱萑葉似鳧葵則有異同本草有萑又有鳧葵者蓋本草以茆為鳧葵也干寶又解茆云今之鰾躑草堪為菹江東有之何承天云此菜出東海堪為菹醬益不可用

芹

水芹二月三月作莢時可作菹及熟爇食之葉似芎藭

花白色而無實根赤白色周禮醢人加豆之實用水草
則有芹菹深蒲其朝事之豆則有昌本菹菹禮記曰常
豆之菹水草之和氣也其醢陸產之品也加豆陸產也
其醢水物也水草之和氣則芹菹深蒲昌本之屬然亦
或在加豆耳魯詩頌僖公能脩泮宮一章采芹二章采
藻三章采芡三者水物泮水之所生泮水備則宮之備
可知鄭氏云辟廱則築土雖水之外圓如璧泮之言半
也蓋東西門以南通水北無也許叔重說泮諸侯鄉射

之宮西南為水東北為牆蓋始入學者必釋奠于先師
又有釋菜以菜為摯故即水中采三品之水草以薦之
采菽之詩刺幽王於諸侯之至不能錫命以禮故首章
采菽者大豆之葉可以為臠乃牛俎之鉶羹次章采檻
泉中之芹蓋微物矣然古人不以微薄廢禮使王能脩
之猶愈於無禮也此與瓠葉同意今釋奠先聖猶用之
或曰不如高田者宜人高田者多白芹今舒蘄多有之
故蘄蛇用於世者體皆作此物香蓋所嗜云土人名為

水白芷或曰蘄之為蘄以有片也蘄即片亦有祈音

音釋

蔥

軒辟雞宛脾

皆菹類也肉腥細者為膾大者為軒軒讀為憲菹葉切也膾者必先軒之

所謂鼎而切之也蘄軒鼎而不切辟雞宛脾鼎而切之鼎之涉反辟必益反宛于晚反脾婢支反

漆

制

反

難

音然陸佐公石闕銘云刑酷難炭

饔

胡戒反

瘕

知陵切腹內瘕結病也

瘕

公

公詐二切腹

病本音遐

霍

音育

奠

於六切

奠

於盈切

載

息

切

荅

音格

荳

音登草名

患

於避切

獠

音穢

醢

音提

胡

勤

居政其聲二切

萬

音力

亢

龕

上合浪切下胡戒切

辟

音百

山

蘄

爾雅

注引廣雅曰山斷當歸當
歸今似斷而庵大斷音片

古麗切
蒟 蒟 音綏 輒

音軟 辨 皮莧切 牖 乃到切 蒿 音力

亂 魚患切 藕 與周切

黹 扶表切 注諸之餘切 注播 音煩小蒜也

莪

漸 汝 上平聲下 人恕切 蒨 於粉切 綺 宜綺反有足曰 蘆 爾雅作蘆

蘆 爾雅作蘆

萍 藻 音早

幾 酒 幾與譏同苛察沽 買過多及非時者

藻 枕 音拙 厭

益 涉切 頌 符云切 大首貌 啞 色卑切

苻 苻 音杏 苻 輔俱切

脆 此芮切 並 蒲浪切 芑 莫報切

深 韻書作藻醢人注蒲 弱入水深故名深蒲

茆 音卯又 力久切

茆 鮑 晉語音押王 同 躔 力谷切

片 離

音壑

臙

音壑說文肉羹也王逸注
楚詞有菜曰羹無菜曰臙
檻與攬同

爾雅翼卷五

欽定四庫全書

爾雅翼卷六

宋羅願撰

釋草

蘋

芡

陵

蓴

蘧蔬

鳧茨

諸蓂

芋

蒟

薑

葍

葵

莖

藜

藿

蘋

苹萍其大者蘋葉正四方中折如十字根生水底葉敷水上不若小浮萍之無根而漂浮也故韓詩曰沈者曰蘋浮者曰藻藻音瓢即小萍也蘋亦不沈但比萍則有根不浮游爾五月有花白色故謂之白蘋呂氏春秋曰菜之美者崑崙之蘋萍焉陸璣詩義疏曰可糝蒸為茹又苦酒淹以就酒采蘋之詩大夫妻所以承先祖共祭祀故采蘋於南澗之濱又采藻菜於行潦而享之鄭箋

曰問蘋藻者於魚潛之中是鉶羹之芼古者婦人將嫁三月教以四德教成之祭祀用魚芼之以蘋藻蘋藻水物與魚相宜如會膳食者魚則宜芼皆水物所以明婦順也亦蘋之言賓藻之言澡柔順潔清取以為戒左傳曰苟有明信澗谿沼沚之毛蘋蘩蕓藻之菜筐筥錡釜之器潢汙行潦之水可薦於鬼神可羞於王公蘋之極大者則有實楚王渡江有物觸王舟其大如斗而赤食之而甘孔子以童謠決之曰萍實也雖皆萍之類然實

蘋矣非無根者所能生也又天問曰靡萍九衢言其枝
葉分為衢道猶今言花五出六出也靡萍九衢異方之
物故特奇偉今浮萍三衢蘋雖大四衢而已九衢而大
於蘋則亦大蘋非特萍也又本草稱水萍亦謂此物陶
隱居云非今浮萍子此三事皆得萍名而實蘋也故詳
著之使覽者無惑焉

說文賞
大萍也

芡

芡雞頭也幽州人謂之鴈頭葉如荷而大葉上蹙如

沸有芒刺兼有觜若雞鴈之頭又名鴈喙實內有米圓
白如珠久食宜人說者曰與小兒食不能長大故駐年
或曰芡實蓋溫平耳然食之必枚食而細嚼足以致上
池之津故能益人猶如馬齧短草則肥悅今芡與菱皆
水物而性異芡華向日菱華背日其陰陽向背不同故
損益亦不同也周禮亦以為加籩之實龔遂為渤海太
守勸民冬益蓄果實菱芡淮南子曰雞頭已瘻許叔重
以雞頭為水中芡愈頭瘻之疾案上下文狸頭愈鼠雞

頭已癭，蠹散積血，斲木愈齧。此類之可推者，詳書本意。皆謂此禽蟲平日所啄食，故能治此病類。可推尋雞頭似不謂此然，或當亦能已癭。爾此物水草陂澤多有，陶隱居乃云：此即今為子形，上花似雞冠，故名雞頭雞冠。乃陸草長五六尺，榦葉皆紅，其華正紅，狀如雞冠。何預芡耶？莊子雞壅疏云：雞頭草也。服之延年。韓文公詩：鴻頭排刺芡。陳士良云：有軟根，名葭菜。

陵

陵生水中，實兩角或四角，一名芡。古者嘉遘之實，菱芡。

臬脯陵芡臬脯再言之者兩設之盛禮乃用焉楚令尹
屈到嗜芰且死以為屬及祥將薦而屈建去之其說引
祭典君大夫士庶人有牛羊豚犬魚炙之差籩豆脯醢
則上下共之不羞珍異不陳庶侈於是乎有羊饋而無
芰薦君子曰違而道蓋籩豆脯醢雖上下所共然以多
少為差則珍異庶侈者非大夫所宜昔者季武子聘晉
晉侯享之有加籩辭曰寡君猶不敢請徹加而後卒事
則非屈到所宜薦明矣芰以為加籩則為貴者所珍用

以接糧則為賤者所食朱厲事莒穆公不見識焉冬處
於山林食杼栗夏處洲澤食菱藕以愧穆公菱葉覆被
水上其花黃白色其實餌之可以斷穀古者洲澤之利
與民共之吳楚之風俗當菱熟時士女相與采之故有
采菱之歌以相和為繁華流蕩之極招菟云涉江采菱
發陽阿陽阿者采菱之曲也淮南曰欲學謳者必先徵
羽樂風欲美和者必先始於陽阿采菱許叔重曰陽阿
采菱樂曲之和一曰陽阿古之名俳善和者蓋采菱者

衆所共故取節奏宜和為曲以與衆樂之風俗通曰殿
堂象東井形刻為荷菱荷菱皆水物所以厭火也又昔
人取菱花六觚之象以為鏡離騷曰製芰荷以為衣兮
集芙蓉以為裳蓋芰葉雜還荷葉博大有為衣之象而
芙蓉若可緝者也古者士服玄衣纁裳屈原恐進而遇
禍故退脩初服初服則士服耳芰荷綠色有玄之象芙
蓉朱色似纁故反離騷曰衿芰茄之綠衣被芙蓉之朱
裳也原之始而結茝貫薜也已曰願依彭咸之遺則然

此佩之小者又皆陸草衣者身之章也用以自表而皆取水物焉則其從彭咸也審矣彭咸商之介士不得其志投江而死者也至王褒九懷云紅采兮騁衣翠縹兮為裳則與此取象不類

子虛賦外發夫容陵華說文楚謂之艾秦謂之解若

蓴

蓴海藻郭璞曰藥草也一名海蘿如亂髮生海中按陶隱居稱海藻生海島上黑色如亂髮而大少許葉大都似藻葉陳藏器則有馬尾藻大葉藻二種之辨馬尾藻

生淺水如短馬尾細黑色大葉藻生深海中及新羅葉
如水藻而大爾雅云綸似綸組似組正謂二藻也夫綸
組東海有之蓋綸乃有秩嗇夫所帶糾青絲綸楊子所
謂五兩之綸半通之銅者也組綬也海中草生采理有
象之者因以名云然則馬尾藻為綸大葉藻為組矣馬
尾藻細黑色與陶郭所謂亂髮者相符然吳都賦叙水
草有江蘼海苔綸組紫菜石帆水松之屬其類甚多江
蘼似亂髮海苔亦云狀如亂髮則水草之似髮者蓋已

多此既以海藻為名當如常藻而稍異大葉藻其是歟
海人取大葉藻正月深海底以繩繫腰沒水下刈得旋
繫繩上五月已後當有大魚傷人不可取也然本草稱
海藻一名薄而釋草薄石衣等海藻相異既云主結氣
癭瘤則又是大葉藻云一名薄者非也

蘧蔬

出隧蘧蔬郭氏曰蘧蔬似土菌生菰草中甜滑今江東啖
之菰蔣草也江南呼為茭草根久盤厚則夏月生菌菌

即謂之菰菜利五臟雜鯉為羹呂氏春秋曰菜之美者
越駱之菌則古者重之久矣荆楚歲時記九月九日事
中稱菰菜地菌之流作羹甚美鱸魚作膾白如玉一時
之珍張季鷹在洛忽思吳中鱸魚菰菜請假而反斯之
謂也此明亦用菰菜芼鱸羹今說者或云翰所思是蓴
菜恐不然爾說文曰菰葑也葑即謂此菌然非詩所謂
葑菲者陳藏器乃云菰葑上如菌葑是菰根歲久浮水
上者今菰首亦佳蔬可食別見苽中

鳧茨

鳧茨生下田中苗似龍鬚而細根似指頭黑色可食名為鳧茨當是鳧好食之爾又有一種根苗似鳧茨而白亦生下田中葉有兩歧如燕尾又如翦刀開白花三出名為茈菰本草云藉姑今人亦謂之翦刀草其生陂池中者高大比於荷蒲然其味稍苦不及鳧茨之美茈菰種水中一莖收十二實歲有閏則十三實今黃楊歲長一寸遇閏年則否牡丹者遇閏歲花輒小以此知先王

之正時歸餘於終非意之也鳧茨在爾雅一名芍漢長
安有蓮芍說者讀為輦酌未必不以此地生蓮與芍而
名之也東觀漢記曰王莽末南方枯旱民多餓羣入野
澤握鳧茨而食之

諸蕒

山海經曰景山北望少澤其草多諸蕒郭璞曰根似芋
可食今江南人單呼諸語或有輕重耳按諸蕒二字或
音如儲余范蠡計然曰儲餘本出三輔白色者善是也

或音如署預本草署預味甘溫是也唐代宗諱預故呼署藥至本朝又諱上字故今人呼為山藥一名山芋秦楚名玉延鄭越名土藷今近道處處有根既入藥又復可食人多掘食之以充糧異苑曰若欲掘取嘿然則獲唱名便不可得人有植之者隨所種之物而象之古者因藥物之性分為君臣佐使以相攝故其合和有一君二臣三佐五使或一君三臣九佐使至如藷芝使署預署預復使紫芝豈所謂兩賤相使者耶

芋

芋說文曰大葉實根駭人故謂之芋徐鍇曰芋猶𠂔𠂔
驚辭故曰駭人又曰齊謂芋為莒按孝經援神契曰仲
冬昴星中收莒芋陶隱居乃云種芋三年不採成杞芋
然則芋之與莒本同末異耳卓王孫有云吾聞岷山之
下沃野下有蹲鴟至死不饑詳其始意本謂壤土肥美
粒米狼戾鴟鵂下啄因蹲伏不去耳而前世相承謂蹲
鴟為芋言蜀川出者形圓而大狀若蹲鴟云芋或訛作

羊故南朝有謝人饋羊者以蹲鴟為言顏之推記之以
訓子孫唐開元中蕭嵩奏請注文選東宮衛佐馮光進
解蹲鴟云今之芋子即是着毛蘿蔔嵩聞大笑又芋之
大者前漢謂之芋魁後漢書謂之芋渠渠魁皆言大也
廣志又言有君芋車轂芋等凡四種大如瓶葉如繖蓋
細色紫莖長丈餘易熟長味芋之最善者也有百果芋
畝收百斛又有百子芋凡為十四種而本草唐本注有
青芋紫芋白芋等凡六種青芋毒多須灰汁易水煮熟

乃堪食紫芋正爾蒸煮食之白芋等無肉作羹大佳野芋大毒不堪噉也翟方進為丞相時奏壞鴻隙大陂民追怨之而為歌言壞陂之後五穀不登但為下澤飯豆羹芋食之薄者也而袁安為陰平長時年饑租入不畢安聽使輸芋曰百姓饑困長何得食穀先自引芋吏皆從之汝南薛包歸先人冢側種稻芋稻以祭祀芋以充饑而蜀李雄克成都衆甚饑餒乃將民就穀於郫掘野芋而食之則芋之利厚矣蜀都賦稱瓜疇芋區汜勝之

書區種芋法區收三石博物志曰野芋食之殺人家芋種之三年不收後旅生亦不可食此即陶隱居所謂杞芋也本草芋一名土芝

蒻

蜀都賦曰其園則蒻蒻茱萸劉涓子曰蒻蒻醬也緣木而生其子如桑椹熟時正青長二三寸以蜜藏而食之辛香溫調五藏又解蒻云蒻草也根名蒻頭大者如斗其肌正白以灰汁煮則凝成可以苦酒淹食之蜀人珍

焉則是蒟與蒟為二物而本草蒟頭味辛擣碎以灰汁
煮成餅五味調和為茹食生吳蜀一名蒟蒻是蒟蒻為
一物耳今人相沿亦呼蒟蒻又有班杖苗相似至秋有
花直出生赤子根如蒟頭毒猛不可食崔豹古今注乃
云為班杖不知食之

漢書南粵食唐蒙蜀拘醬
顏注云子又不長二三寸

薑

說文曰薑禦溼之菜也春秋運斗樞曰璇星散為薑舉
無失德逆時則薑有翼辛而不臭薑生於陰故蜀都賦

曰甘蔗辛薑陽蒞陰敷宋玉曰薑桂因地而生不因地而辛女因媒而嫁不因媒而親古者諸侯燕食所加三十一物有牛鹿田豕爵鷄蜩范淩棋棗栗之屬而終於薑桂而孔子亦不徹薑食言齊雖禁葷物薑辛而不臭故不徹去之非特齊也喪有疾飲酒食肉必有草木之滋焉以為薑桂之謂也南都賦曰蘇殺紫薑拂徹羶腥蓋去羶腥之最紫薑者紫色之薑而上林賦又有茈薑張揖則以茈薑為子薑云魏志倭國有薑不知為滋味

而梁代裴子野言從來不食薑或譏之云孔稱不徹裴乃不嘗又何異也呂氏春秋和之美者陽樸之薑招搖之桂越駱之菌吳孫權使介象買蜀薑作羹

管子曰五位之土羣

藥安生薑與桔梗小辛大蒙

葍

谷風曰采葍采菲無以下體毛氏曰葍須也菲芴也下體根莖也箋云此二菜蔓菁與菹之類也皆上下可食然其根有美時有惡時采之者不以根惡時并棄其葉

據鄭此注則以葍為蔓菁之類非為菹之類耳至解桑中曰爰采葍矣沫之東矣則曰葍蔓菁禮記坊記注亦云葍蔓菁也陳宋之間謂之葍陸璣云葍蕪菁幽州人或謂之芥方言曰豐蕪蕪菁也陳楚謂之葍齊魯謂之蕪關西謂之蕪菁趙魏之部謂之大芥豐與葍字異而音同則葍也須也蕪菁也蕪蕪也蕪也芥也七者一物也蔓菁南北通有之北土種之尤多四時仍有春食苗夏食心秋冬食根菜中之最有益者塞北并汾河朔間

燒食其根呼為蕪根猶是蕪菁之號昔漢桓帝永興中
令災傷郡國皆種蔓菁以助民食劉備歸曹公公使覘
之閉門將入種蔓菁而諸葛亮所止令軍士獨種蔓菁
者取其纔出甲可生啖一也葉舒可煮食二也久居則
隨以滋長三也棄不令惜四也回則易尋而採之五也
冬有根可斲而食六也三蜀江陵之人今呼為諸葛菜
蔓菁根葉及子乃是菰類與蘆菔全別陶隱居言其子
與蘆菔子相似無言小葷故說者疑江表不產注失其

真耳有人將菘菜北種初一年半為蕪菁二年菘種都
絕將蕪菁子南種亦二年都變其子亦隨色變大率菘
子黑蔓菁子紫赤大小相似蘆服子黃赤而大又不圓
也亦梗長葉瘦高者為菘葉闊厚短肥而庫及梗細者
為蕪菁荆楚歲時記十一月採經霜蕪菁葵等雜菜乾
之為鹹菹有得其和者並為金釵色菹既甜脆汁亦酸
美呼其莖為金釵股醒酒所宜也急就章曰老菁蘘荷
冬日藏詩曰我有旨蓄亦以御冬蓋此之謂也按禹貢

荊州包匭菁茅孔氏曰菁以為菹呂氏春秋亦曰菜之美者具區之菁則菁之見貴舊矣然說者或以菁茅為茅之名而言老菁冬藏者為韭花云今蔓菁園中無蜘蛛是其所畏也

南都賦秋韭冬菁注廣雅曰韭其華謂之菁

葵

葵蘆葩爾雅釋曰紫花菰也俗呼溫菰似蕪菁大根一名葵俗呼電葵一名蘆腹今謂之蘿蔔說者曰紫花菰溫菰皆南人所呼吳人呼楚菰廣南人呼秦菰方言曰

蕪菁紫者謂之蘆菹劉盆子在長安掖庭中宮女幽閒
掘庭中蘆菹根食之隋張威為青州刺史遣家奴於人
間鬻蘆菹根坐廢於家即此也昔有婆羅門僧東來見
食麥麩者云此大熟何以食之及見食中有蘆菹曰賴
有此以解之耳自此相傳食麩必食蘆菹談苑曰江東
居民歲課種藝初年種芋三十畝計省米三十斛次年
種蘿菹三十畝計益米三十斛可知蘿菹消食也久服
亦滋榮衛令人髮早白其嫩葉可為生菜陶隱居乃云

其根可食葉不中噉故說者至疑江左不產云

堇

齧苦堇釋曰可食之菜也郭云今堇菜葉如柳子如米
汋食之滑者本草唐本注云此菜野生非人所種俗謂之
堇菜葉似葢花紫色本草云堇汁味甘說者以為堇苦
而言甘者古人語倒猶甘草謂之大苦也觀繇之詩言
沮漆之間土地肥美則曰周原膠膠堇荼如飴堇荼皆
苦菜也地既饒美其所生菜雖有性苦者皆甘如飴則

此地將可居矣是莖得地味亦甘也內則曰棗栗飴蜜以甘之莖莖粉榆兔薹滌瀝以滑之脂膏以膏之言養老者懼其腸澁故用此物調和飲食莖亦莖類冬用莖夏用莖廣雅曰夏莖秋莖滑如粉是也士虞禮則曰夏用葵冬用莖鄭注云莖莖類也乾則滑夏秋用生葵冬春用乾莖此蓋隨文解之故不同三十國春秋曰劉殷曾祖母王氏盛冬思莖殷入澤中慟有莖生焉得斛餘又後魏書崔和為平昌太守性鄙恠其母李春思莖惜

錢不買二人用心不同如此葦久食令人身重懈墮又
令人多睡廣雅曰葦藿也今三輔之言猶然未知同異

藜

藜菜之微者也故韓子曰堯之王天下也糲梁之食藜
藿之羹莊子曰孔子窮於陳蔡間七日不火食藜藿不
糝糝米糝也言其絕糧雖藜藿中不辨有糝又曾子以
蒸藜不熟出其妻季路食藜藿之實而為親負米於百
里之外物雖微矣聖賢多食之山海經曰泰山有草焉

名曰藜如荻可以為菹郭璞曰為治也毛詩北山有萊
義疏曰萊藜也莖葉皆似王芻今兗州蒸以為茹謂之
萊案藜乃蒿蓬類故月令則藜莠蓬蒿並興淮南子曰
藜藿之生螟蛉然日加數寸不可以為櫨棟榱桷豫章
之生也七年而後知故可以為棺舟藜者人所習識秦
山治菹之草名適同耳又爾雅藟王芻釋曰此則藜之
科大為樹可作埽芻者一名前一名王芻一名王帚江
東呼落帚按藜亦可以為杖原憲杖藜應門是也

藿

拜蒚藿釋曰亦似藜而葉大者名拜一名蒚藿莊子云

藜藿柱宇是也

左傳云蓬蒿藜藿

按爾雅有灰藿子炊為飯香

滑葉心有白粉似藜心赤莖大堪為杖亦殺蟲人食為

藥不如白藿也按今灰藿絕似苜蓿但苜蓿苗葉紅可

愛而灰藿則苗葉上微白如灰色為異耳而廣雅以藿

為藿淮南子曰藜藿蠹而長日加四寸不可以為櫨棟

又曰蒚苗類絮而不可為絮
絮賡不類布而可以為布

音釋

蘋

糝

桑感切說文以米和羹

共

本或作供

湊

去急反汁也

筥

居呂反方曰筥圓曰筥

錡

其錡反三足釜

茨

衄

女六反

癰

音漏頭腫也一曰久創

瘡

時冗切亦作瘡

蚤

音盲

齧

驅雨切齒病

蕪

韋委切

注

弋華切苑也古今注羊捶切廣韻音役注

燕人呼炎

陵

杼

神呂切椽也

朱厲

事見說苑莒公以難死朱厲附云云莒公以難死

朱厲附往死之

徵羽樂風

許注徵南方火羽北方水五音正樂樂風者工以風化下下以風刺上故

謂之和

去聲

艾茹

下音加

縹

敷治切青黃色

注

上音皆下音狗

導

徒南切

綸

音鰥張華云綸如宛轉繩

組

音祖

有秩嗇夫

漢書鄉有三老有秩嗇夫

嗇夫掌獄訟有秩郡所置秩百戶皆糾青絲為綸以帶佩之

遽疏 上山俱切 下山俱切

隧

音遂一名出隧一名遂疏

菌

音窘蔞音將

蔞

音將蔞音將蔞音將蔞

蔞

蔞音將蔞音將蔞

訖

音訖都了切

諸與

上音儲又音署下音余又音預

芋

鄭七稽反音

與雌同縣名在廣漢

弱

音弱音矩

薑

薑

許干切賦注引太玄經曰陽薑萬物

言陽氣薑照生萬物也陰敷薑生於陰也

鷩

音晏鷩駕也

蜎

音條蜎蟬也

范

音犯范蜂也

殺

音殺殺一作殺似

茱萸出淮南

葑

音封

非

音匪

芴

爾雅音勿注非芴即土瓜

菑

音福

音豐薹

音饒

薹

音孫

突

他勿切

蘆

爾雅音羅

一音服蘆服一名來服言來薹所服也又蒲北切與脆薹音同

莖

音謹

齧

五結切爾雅釋

齧一名苦堇

灼

煮也音芍又土角切

蕺

菜名俎及切

苴

音桓

免

音問草木新生者

薨

苦老切

洧

思酒反洧也

髓

音髓滑也

膏

去聲

藿

徒弔切

藜

藿

力葛反米倉者之稱

蠕

如充切動也

梗

鼻綿切

枹

奴含而鹽二切

箭

音箭

彗

音遂

藿

徒弔切

注廢

爾雅音扶刃切象實也

爾雅翼卷六